



Broj: 02-03-167-24/23
Sarajevo, 12.04.2023. godine

Na osnovu člana 69. stav 2. tačka d), člana 70. stav (1), (4) i (6), Zakona o javnim nabavkama („Službeni glasnik BiH“, br: 39/14 i 59/22), člana 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj 01-1344-5/2012 od 27.07.2012. godine, člana 50. u vezi sa članom 51. Pravilnika o javnim nabavkama roba, usluga i radova u Kantonalnom stambenom fondu Sarajevo, broj: 02-03-416/23 od 21.03.2023. godine i na osnovu Preporuke Komisije za provođenje postupka javne nabavke radova na sanaciji liftova u Kantonu Sarajevo na adresu Kulovića broj 2, Općina Centar Sarajevo- LOT 1, broj: 02-03-167-22/23 od 07.04.2023. godine, direktor Kantonalnog stambenog fonda Sarajevo (u daljnjem tekstu: Fond), **donio je**

ODLUKU

**o poništenju postupka javne nabavke radova na sanaciji liftova u Kantonu Sarajevo na adresi
Kulovića broj 2, Općina Centar Sarajevo - LOT 1**

Član 1.

Poništava se postupak javne nabavke radova na sanaciji liftova u Kantonu Sarajevo na adresi Kulovića broj 2, Općina Centar Sarajevo - **LOT 1** iz razloga nepostojanja prihvatljive ponude u skladu sa odredbama člana 69. stav (2). tačka d) Zakona o javnim nabavkama („Službeni glasnik BiH“, br: 39/14 i 59/22).

Član 2.

Za realizaciju ove odluke zadužen je Odjel za projektovanje nadzor i druge tehničke poslove i Odjel za pravne i ekonomske poslove Kantonalnog Stambenog fonda Sarajevo.

Član 3.

Ova odluka objavit će se na web stranici Ugovornog organa- www.ksfs.ba, istovremeno sa upućivanjem ponuđaču koji je učesvovao u postupku javne nabavke, u skladu sa članom 70. stav (6). Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

Obrazloženje

Odlukom Ugovornog organa, broj: 02-03-167/23 od 01.02.2023. godine i broj: 02-03-167-4/23 od 16.02.2023. godine pokrenut je postupak javne nabavke radova na sanaciji liftova u Kantonu Sarajevo na adresama: Kulovića broj 2 i Patriotske lige broj 38, Općina Centar Sarajevo, putem Konkurentskog zahtjeva za dostavu ponuda, u kojoj je predviđena zbirna procijenjena vrijednost predmetne nabavke u iznosu od 10.659,15 KM bez PDV-a (u daljnjem tekstu : Odluka).

Obavještenje o nabavci, broj: 882-7-3-44-1/23 i Tenderska dokumentacija objavljeno je na Portalu javnih nabavki dana 09.03.2023. godine.

Rok za dostavljanje ponuda je bio dana 22.03.2023. godine do 11:00 sati.

Kriterij za dodjelu Ugovora o izvođenju radova po predmetnoj javnoj nabavci je „najniža cijena“.

Javna nabavka iz Odluke podijeljena je na LOT-ove kako slijedi:

- LOT 1: Sanacija lifta na adresi Kulovića broj 2, Općina Centar Sarajevo;



- LOT 2: Sanacija lifta na adresi Patriotske lige broj 38, Općina Centar Sarajevo;

Komisija za provođenje postupka javne nabavke radova iz Odluke imenovana je Rješenjem direktora Fonda, broj: 02-03-167-2/23 od 01.02.2023 godine (u daljnjem tekstu: Komisija za nabavku.).

Predmet postupka javne nabavke iz ove odluke je LOT 1 (lift na adresi Kulovića broj 2) čija procijenjena vrijednost bez PDV-a iznosi 4.779,15 KM.

Tendersku dokumentaciju za predmetnu javnu nabavku sa Portala Javne nabavke preuzelo je ukupno 10 privrednih subjekata.

U krajnjem roku za prijem ponuda na protokol Ugovornog organa zaprimljena je jedna (1) ponuda i to od ponuđača „Fidges upravitelj“ d.o.o. Sarajevo.

Prema Tenderskoj dokumentaciji, za predmetnu javnu nabavku je u skladu sa Pravilnikom o uslovima i načinu korištenja e-aukcije („Službeni glasnik Bosne i Hercegovine“, broj: 66/16) bila predviđena e-aukcija, međutim kako je u konkretnom slučaju zaprimljena samo jedna ponuda, u skladu sa članom 3. stav (3) navedenog Pravilnika, e-aukcija se ne može zakazati već se postupak okončava u skladu sa članom 69. Zakona o javnim nabavkama.

Komisija za nabavku je u postupku ocjene zaprimljene ponude izvršila detaljne provjere kvalifikacije ponuđača „Fidges upravitelj“ d.o.o. Sarajevo, te utvrdila da u Ponudi navedenog ponuđača ponuđena cijena radova u iznosu od 4.838,00 KM (bez PDV-a) prelazi planirana, odnosno osigurana novčana sredstva u Planu javnih nabavki Ugovornog organa za 2023. godinu koja iznose 4.779,15 KM (bez PDV-a), kao i procijenjenu vrijednost nabavke iz Odluke, te je navedenu ponudu većinom glasova ocijenila kao neprihvatljivu, a što je bliže navedeno u Zapisnicima, broj: 02-167-10/23 od 23.03.2023. godine i broj: 02-03-167-16/23 od 29.03.2023. godine.

Shodno naprijed navedenom, Komisija za nabavku je dostavila Ugovornom organu Preporuku o poništenju postupka javne nabavke radova na sanaciji liftova u Kantonu Sarajevo na adresi Kulovića broj 2, Općina Centar Sarajevo – LOT 1, broj: 02-03-167-22/23 od 07.04.2023. godine iz razloga neprihvatljivosti zaprimljene ponude za Ugovori organ prema članu 69. stav (2) tačka d) Zakona o javnim nabavkama BiH, kao i Izvještaj o radu Komisije za nabavku, broj: 02-03-167-23/23 od 11.04.2023. godine.

U postupku ocjene provedenog postupka, direktor Ugovornog organa nije našao razloge nepravilnosti kao ni propuste u radu koji bi bili osnov neprihvatanja preporuke Komisije za nabavku.

Prihvatajući preporuku Komisije za nabavku, direktor Fonda, kao Ugovornog organa odlučio je kao u dispozitivu ove odluke u skladu sa članom 69. stav (1) , tačka d), a u vezi sa članom 70. st: (1), (4) i (6) Zakona o javnim nabavkama BiH, člana 8. stav 2. tačka d) Pravilnika o uspostavljanju Komisije za nabavke i članom 16. Statuta Kantonalnog stambenog fonda Sarajevo.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 5 (pet) dana od dana objave ove odluke.

Žalba se podnosi u pisanoj formi u najmanje tri (3) primjerka, direktno ili preporučenom poštom na adresu: Hiseta 13a, Sarajevo, Kantonalni stambeni fond Sarajevo.

Obradila/Kontrolisala:

Lejla Tanjo, dipl.pravnik
Jasmina Karović, dipl.pravnik

Dostaviti:

1. „Fidges upravitelj“ d.o.o. Sarajevo, ul: Geteova broj 12;
2. Odjel za projektovanje nadzor i druge tehničke poslove;
3. Odjel za pravne i ekonomske poslove;
4. U evidenciju;
5. U a/a.

